


^ 16
2802
3



18
2802
3

文清公薛先生文集卷之三



門人關西張鼎校正編輯

杜鵑行

昔讀古人書知有杜鵑名今泛沅江舫始聞杜鵑聲
杜鵑生子不自哺野老相傳之語如少陵惟有古來
稱望帝變化無端竟茫昧吾意百鳥相推尊亦如蜂
蟻君臣義氣化感物不自由四月五月聲喧啾一聲
未了聲轉急千林萬壑波濤秋遠客扁舟睡難著兩
耳還遭杜鵑聒歸心一夜憶虞廷鳴鳳時應集阿

十九
十一
月六
日

閣

續杜鵑行

杜鵑變化有無寧復論百鳥之中乃爲衆鳥尊以茲
少陵托忠憤再拜謂是古帝魂我來何處聞逸響扁
舟夜泊沅江上林霏拂岸灘風清峽影沉波江月朗
乍遠乍近鳴未休聽之轉急如有求遠客毋勞厭惱
聒少陵忠義方難儔

壺頭歌

沅水南來幾千里亂石激濤蹴空起急梢官舫上嚶
岩閑倚驛樓看山水隔江萬疊雲峰稠一峯平立名
壺頭云是伏波駐兵處至今石室留山陬憶昔炎綱
斷如縷草竊紛然據寰宇寧知田牧隱奇才揮斥奸
庸識真主西征實藉聚米忠南伐誰比銅柱功中興
諸將數籌畧直與賈鄧爭豪雄老身非向邊陲歿誓
掃群蠻靜坤軸壺頭一死非無情天遣英靈鎮南服
跳梁小醜胡爲哉竟因遺筭稽顙來雖云未雪蕙苴
謗白璧本自無纖埃昔於青史歎高識今向荒山訪
遺迹怒濤猶帶薄伐聲愁雲似是忠憤積馬侯馬侯
真丈夫大器自與凡材殊廟食勲名幾千古英風激
我章句徒

文身考之三
二
驄馬行春歌爲陳侍御賦

五百啓運天地清群賢奮翼風雲生九重治理達
遠邇王度實藉執法明同年才子青雲客意氣昂昂
超等列孤松聳壑見高標一鷲橫空歎奇絕今年持
節辭金臺青驄蹀躞萬里來乃知霜雪達陽氣馬蹄
到處山花開邂逅沅陽話疇昔昔曾聯步趨文石豸
冠已覺凝秋霜繡服還應絢朝日沅陽憲署情何多
連床對榻同吟哦吟哦未已欲將別索我驄馬行春
歌愧我詩才劣韓杜長篇險語急難就強操紙筆爲
君題掛一何止於萬漏驄馬驄馬登周行攬轡直擬
清四方發奸凜凜息豺虎洗冤藹若川春陽古來豪
俊皆如此陳言雅欲追芳趾相將努力篤忠勤圖取
英聲耀青史

歌風臺歌

素靈夜哭秋郊月漢祖吳鉤三尺血芒碭雲氣從飛
龍咸陽竹帛隨烟滅獨屈群策驅群雄漢中一旅紅
旗東韓卽對語識成敗董公遮說開天喪王者之師
仁以武諸侯効順力如虎關河百戰芟群雄垓下一
歌散強楚風塵盪滌天下清萬乘不忘布素情黃屋
歸來見鄉邑宴飲父老如平生酒酣拔劍高歌起歌

詞激烈振天地雄志深知大業難霸心尚思猛士倚
群兒逐和聲悠揚起舞四顧何慨慷樂極哀來淚沾
臆魂魄千秋思故鄉遂令此意爲湯沐獨承天寵何
優沃四百休運同始終三國遺民想興復至今有臺
泗水濱雄豪一去餘千春壞埽層層積蒼蘚平原漠
漠生黃塵我來正值清秋暮桑柘蕭蕭葉飛雨泗水
南流芒碭高霸業王風復何許徘徊重是古帝郊摩
挲石刻心勞焦俯仰秋天莽空濶杳杳鴻鵠凌風高

昆陽行

策馬從北來南涉沙河渡登岸得平原極目風景暮
暮天落葉何縱橫翻翻亂觸馬足鳴蒼山無數背人
遠前瞻忽及昆陽城城南滙水流城郭英雄事業猶
如昨白水真人在側微謹厚伊豈常情度是時炎運寒
如灰五威使者車奔雷慘慘三精雲霧塞蕭蕭九縣
颺風回真人一怒奮神武手握赤符興義旅昆陽大
戰開天功烏合如林散何許吾想當日嚴殺多洗兵
雷雨何滂沱潢川倒流虎豹伏亂麻屍積山嵯峨自
爾威聲震天地兇魁惡黨覓飄逝夏后周宣果再興
成功磊落光前世悠悠此事千餘年至今父老猶相
傳我來正值太平日戰地盡作桑麻田生平遊覽好

文集卷之三
奇特徘徊吊古中
腸熱舉鞭一笑寒
天高萬里關河坐超越

襄陽歌

持節過樊城南渡漢江曲
漢江遠自嶧家來遙望真
如鴨頭綠江千樓堞何崢嶸
壯哉快觀襄陽城少日
常思一遊覽今朝始遂來
經行經行處處效遺跡
滿目蒼然悲思集後人遊
似前人遊古人憶是今人憶
鬱鬱峴山翠遥遥鹿門深
淺碑人墮羊祜淚隱若誰
識龐公心龐公一去已千
古尚有清風灑寰宇茂林
鳥宿魚潛淵區區劉表焉
能庇城南習家池池水清
漣漪當日山翁酩酊醉風
流未許他人知更尋王粲
宅留井峴山麓銅瓶無復
汲深寒蔓草空餘覆幽綠
悠悠往事難具陳高名尚
有隆中人師出二表鬼神
泣圖成八陣風雨頻乃知
襄樊士風好由來英達何
草草漢水東流峴首高祇
因配此名不了方今
明聖坐垂旒百年禮樂登
虞周仁恩已滿天地大王
化久浹江漢流江漢遊女
心如結士習詩書仰先烈
烏臺使者來作歌期與國
風傳不歇

過鹿門山

西來漢水浸山根
舟人云此是鹿門峭壁蒼蒼石色

文集卷之三
五
古曲逕杳杳藤蘿昏亂峯幽谷不知數底是龐公栖
隱處含情一嘯江風清雙櫓急搖下灘去

遊沅州城南

迴環綠水流城隍出門一顧心懽怡連林竹樹敲蒼
翠綠江梅柳爭芳菲和風蕩耳沸蕭鼓晴日照水流
旌旗沅湘信美匪吾土中州久客還思歸

寄韻文林侍御

前年掛席趨北斗九月泊舟都門口綉衣人是同鄉
人騎馬江邊問行久龍江驛裏同徘徊呼酒飲我何
壯哉興酣往事真草草願傾東海添樽壘別後倏忽
幾寒暑吳江水落洞庭雨黔巫東望山嵯峨恨不高
飛挿翎羽丈夫本是重四方眼底道路如尋常風帆
早晚下吳會仍尋舊約歌慨慷

寄朱侍御歌

吾觀古來磊落大丈夫致身特達自與凡才殊若不
功作霖雨潤枯槁便當手持玉斧清寰區二者都應
不可得大田可稼長川漁生平抱此耿耿爛讀古
書極馳騁中年濫騎烏府驄幾載蠻荒苦便靜忽聞
按部同官來江山六月霜風圃樓舡彈壓湖湘百怪
息憲節蕩拂溪洞雲烟開是時思得懽然一相遇何

意鴻鶴東飛燕西去令人疑望佳節過開盡冬梅老
春樹春樹纖纖柔葉多沉江江上浩烟波喜得瑤華
好音信興來獨立東風歌歌成寫寄憑雙鯉心事非
公復誰理會合悠悠自有時還期高議金門裏

黔陽江行歌

黔江轉急勢未已兩岸蒼崖削天起官船雙櫓疾於
飛倏忽雲林過百里生平胆氣尤崛奇三年蠻徼甘
奔馳惡灘險浪不經意白日自保公無私空囊敝篋
一何有滿束古書置前後船牕豁達涵虛明書中得
意寧容口忽憶江山千古長不知何日開鴻厓陰陽
爭勝鬼神急造化不停真宰忙千奇百怪氣參錯輕
飄重墜奠清濁三光宣精四海明五行順序百卉作
有物不名復不凋泯默萬化常超超眼底江山未爲
壯大地比是猶毫毛感此人生浪自苦萬事悠悠隨
所與放歌一曲南風來坐對青天兩無語

鶴山小隱

大江之右多奇峯天台遠與羅浮通鶴山蒼蒼在何
許嘉名獨擅東南雄中有隱士好事者作圖遠寄烏
臺下烏臺柱史隱士交持卷索我揮狂毫開圖指點
山佳處峭壁迴巒簇烟樹澗花流出山中春松風掃

遍溪頭路數椽茅屋何蕭然白雲簷宇常周旋讀易
已了嘉遯趣作詩或賦招隱篇此境初從柱史說今
人掩卷想奇絕振衣千仞或可期萬里雲霄坐超越

憶昔行

憶昔年纔十二三老親携我遊西南西南道路蜀山
裏累月不盡經巉岩當時正值春光麗紅紫千林
競妖媚綠蘿覆逕搖溪州清風掠面送花氣羈懷未
解怯險艱青泥板滑石磴盤路夾陰崖白日暮梯凌
危棧蒼空寒寒空石壁挿江脚斷痕疑是鬼斧鑿倒
懸古木星斗迷亂灑流泉風雨作憑空一望山疊壘

烟溪霧谷相鬱滃積陰絕險足妖恠深叢大野多蛟
龍復有劍閣橫天絕時清閨險成虛設關南石龕夜
宿時子規叫落龕前月成都開豁自一川盛夏又泛
岷江船蠻中忽忽幾寒暑新正乃有中州旋骨肉相
隨千萬里回首舊遊如夢裏三十年來白髮生坐想
雙親淚如水

井陘懷古

并州東下幾百里太行古道石磊磊山關忽見一掌
平中有孤城入雲起憶昔白蛇中斷時韓侯曾此驅
雄師伐鼓安安出天險趙壁指顧皆紅旗雄豪破滅

如反掌遂使英聲走颶響至今泝水向東流戰骨成
塵惟草莽侯也之功良已多五湖其負扁舟何行人
莫問井陘事悲風慘澹來山阿

驄馬行春爲張侍御賦

禹跡旣萬里天關亦九重明明日月理無不照幽情
隱恤孰使之通維時新春二三片處處熙陽達冰雪
繡衣驄馬者誰子倏自青冥下霜鉞芳草萋驄馬嘶
遙遙行部東還西攬轡貪觀紅樹好揮鞭不覺蒼山
低馬啼遍征路蒨屋春華露却邑蜚聲吏不驕棗鏡
屏迹民安作驄馬來風雲開回塞作煖蒙 帝力萬

物吐氣何熙哉還鑣入觀

天顏喜齊言海宇清如水年年領節君莫違長播仁
風遍文軌

天馬歌

天馬西極來一日行千里雙睛懸鏡秋水清四蹄削
鐵長風起骨骼旣已異性情真復殊饑食玄圃千頃
禾渴飲天源萬斛珠天馬不易得世亦不易識奮身
振鬣何昂藏有時慙向駑駘立駑駘謂天馬神駿徒
爲爾我水一斗休我芻一束止天馬朝朝忍渴饑河
清伯樂馬足俟天馬爲之笑飽逸寧足誇一夕長騰

得天路顧爾連蹇泥中蛙

守素卷爲杜侍御題

吾聞達士安所存寥寥此道誰當尊
達則夔龍拜金闕退則回憲安蓬門
文采風流少陵客小小讀書慕
前哲布衣豸服了不殊藜藿膏粱
同一節盤盂几杖古有銘華軒
更揭守素名朝看暮看志激烈
或出或處心和平我亦平生絕
馳慕感君意氣還同趣相期
携手登崑崙共論希夷更深處

題畫龍

大龍倒捲歸虛壑小龍騰身向天末
吐吞雲氣相接連萬里分明露頭角
陽精變化未覺難生翼走電白
晝寒相顧爲霖莫相誤收功並入
玄冥間

齊都歌

偶把漁竿來渭水諸侯八百從如蟻
洗兵一雨天下清興王事業應難比
茅土之封東土侯奄有青齊都
營丘千乘龍旂照滄海百層雉堞
臨淄流淄流拂曙歌鍾起人物喧闐
隘都市黃金白壁酬若公文馬雕
軒觀天子前朝後市何輝光歌臺舞榭
遙相望長劍危冠盛臯虎珠簾繡幕
圍姬姜伯業相傳僅千載寧知時去
繁華改盜賊公然竊寶弓坐令青社
無光彩

文集卷之三
是非得失俱悠哉空餘廢址連荒臺往事凄凉不可
問湍流鳴咽悲風來

古松恠石歌

山東憲署兩絕奇古松恠石相蔽虧耳畔或聞海濤
作眼中不見雲根移皮皴鱗感澁寒雨霜雕雪刻莓
苔聚方驚白日起潛蛟更訝幽陰踞彪虎可憐二物
爭豪雄壯顏毅色孰與同闕世不今亦不古回頭幾
覺凡物空岱宗千尺雲崑崙一勺水安得良工爲我
寫此松石圖坐携造化入袖裏

懷忠堂爲都指揮李進賦

將軍樹勛起雲中結髮慷慨從飛龍幾年擁節驅羆
熊扶桑日出西崆峒旄頭射落天山空青海不復烽
火紅仁義之將良可宗丈夫不數衛霍功時清包裘
刀與弓八蠻入貢九夷通竭來分闔何從容敦崇詩
禮輕豪豐所居之堂名懷忠懷忠事業應無窮我雖
儒冠心頗雄寸管不讓三尺鋒等閑裨補造化功擬
令四海歌
皇風懷忠將與君無同

登州行

驄馬曉辭萊子國北上高岡俯遼碣遼碣萬里天風

寒山溪二月凌澌結空濛極目春無邊春濤洶洶搖
春煙還從絕嶺下長坂高城忽起滄溟前滄溟倒浸
紅樓影通衢豁達塵埃靜已應持節是 明時况復
觀風得佳境天開海濶霜臺高霜臺遠思何飄飄巨
鰲戴山真浪語大方見笑非虛謠乾坤俯仰高歌起
有物無名大莫比瀛海茫茫未足誇真是人間一泓
水

望海歌

我生足迹半天下竭來持節臨東夏萬里滄溟入吐
觀洞庭彭蠡足驚詫三韓之西日本東玄冥少昊理
祝融歸墟尾閭杳難測清江碧漢來無窮碣石依稀
望中小天台不斷連山繞烟波明滅散群鷗雲水空
青浮衆島扶桑漸覺明朝暎還從海底昇金盆太陰
滅盡清輝發羲和穩駕波無痕有時颶母逞神武馮
夷擊鼓百怪舞白浪峩峩摧雪山黑霧茫茫漲天宇
三山六鰲安在哉祖龍已去劉郎來樓船不復返秦
使雲帆更欲尋蓬萊雄豪千古俱淪沒唯有潮聲尚
如昨從誰海上論盈消獨倚蒼山看寥廓

東平竹塋十五栢

行臺臺上十五栢一一皆抱梁棟姿自應生長得元

氣更當培植需良期孔明廟前今在否才大空聞少
陵語何如此水生中原萬牛不用可立取

送王秀才省兄歸京師

海右傳聞此亭古亭中送客豪英聚清風入座華筵
開流霞滿眼金杯舉是時霜落天宇高岱宗南望干
雲霄况復齊川走滄海三山恍惚連六鰲山竒海壯
環名邑落落高懷感今昔琬琰難酬北海詞風雨寧
如少陵筆想當促膝茲亭中飄飄逸氣凌長空至今
草木生光彩名將山水傳無窮皇明文運超唐李鳴
鳳高岡鳴不已汪君之府玉堂仙清秩仍兼典三禮
難兄早擢賢良科內臺執法平不頗竭來海岱振風
紀王君柰此想思何鴻鴈聯翩暫相接又是離亭動
行色蕭疎荷菱颭秋波凌亂桑榆下霜葉玉君王君
我所奇不須懷古傷分離但願墳荒迭相應一門清
譽流無期

瑯琊行

正統六年夏五月予奉

勅過諸城其地卽古瑯琊郡追念古迹湮沒
而喜今之民物寧熙是皆

國家深仁厚澤培養休息之所致因賦瑯琊

行以紀之

秦祖瑯琊臺坡老超然臺兩臺千古兩寂寞但見參
差雲木山崔嵬我行正值四海昇平日千里連城萬
家邑烽堠花開火不驚林園麥秀雉爭集茫茫一氣
天無私山川民物皆欣熙三事小臣効精白九重
聖主方無爲但願此景垂過億萬載天爲城郭地爲
海人間無處不春臺蘇刻秦碑真戲乃

山水圖爲趙給事賦

黃門給事好事者一幅江山誰爲寫雲霧波濤滿眼
生坐覺襟懷自蕭洒衡廬倚疊岷峨高洞庭彭蠡洲
渚交叉疑雪消蜀水來黃牛白馬增春濤細看滄濁
分天地地脉山形宛相際良工妙奪造化工白浪青
林走雲氣緣江細路古水齊耳畔似聞幽鳥啼倚岸
扁舟久相濟入雲茅屋誰同栖江草山花不知數採
芳未是良辰暮英靈不闕澗谷歌仁智自諳山水趣
憶我昔遊天下時跋涉險阻探清奇何如此圖不出
戶勝槩一覽無所遺

送趙大參之浙江

浙右新參拜天寵趙君籍籍聲名重曉辭仙仗出都
門驂騮塞道香塵擁交遊送別情何多離筵正值東

文集卷之三
十四
風和山光入坐水侵席柳條弄色花滿柯花前罷酒
官橋遠潞水開帆驛程轉九重金闕尚馳情千里
吳山行在眼吳山自昔稱繁華居民比屋過萬家西
湖烟淨拭明鏡海門潮起翻銀沙復有孤山號清境
清溪淺露疎梅影處士不作封禪書節與孤山共高
聳大藩形勝甲南東好山不盡湖江重薇垣軒豁挹
清氣使符出入宣皇風皇風正是全勝日聖明劍席
求賢急方期禮樂過百王直使仁恩涵八極趙君好
體軒堯心嘉禾莫使蠹蠹侵旬宣他日有成績策勛
遂作商家霖

送盧知縣致仕歸金華

高秋九月都門道冠蓋光輝耀晴昊離筵醵酌送者
誰花縣卽官乞身早卽官自是青雲姿飛騰况值
明盛時著書東閣見才俊之官南國憐英奇英奇未
了哦松興鸚薦陞官播佳政單父橫琴吟幾年故里
懸車想三逕三逕乃在金華阿金華山水名且多繞
戶清溪漱寒玉當窓秀嶺橫烟蘿到家盡得溪山趣
交友過從樂相語爲言吐仕老歸來此是天恩寬
深處

題羅侍御仙舟出峽圖

文集卷之三
御史新圖妙難比畫船秋泛瞿塘水瞿塘水東三峽
深兩岸削鐵虛無裏虛無難辨峰頂高白雲林壑生
虛濤陽臺何處笑荒幻陣圖回首思雄豪雄豪一去
幾千載壯志何須增感慨自知豸角邪可觸不爲須
聲淚空洒東行更飽湖海觀繡衣不日朝金鑾覽君
此畫動清興扁舟便欲相追攀

題羅御史驄馬行春圖

青驄蹀躞長風起蜀道南來八千里攬轡不覺羶山
高劔閣峨眉平若水行邊正值韶光濃千岩萬壑花
爭紅晴靄麗口照旌節芳郊草軟搖玲瓏三川玉斧
巡將適父老懽傳喜相見瘴厲都從淑氣消陰寒總
逐陽春變陽春本自天上來行春此日何壯哉還從
畫圖識神駿迴鞭却上黃金臺

張忠定公祠

乖崖自是奇人物兩迴走馬定西蜀纔驚錦水雲飛
揚坐見雪山峰突兀龍劍破匣搖寒芒斬艾荆芥驅
天狼父老但知歌舞樂黎庶不覺科徵慙鐵心一念
真能止侍女三年猶處子乃知金石誠可通遂使西
人信如此功成拂袖歸幾年年深惠化猶相傳蛟龍
上天風雨急聲名垂世日月懸至今西人感公德牲

醕年年進公室迴頭却笑鄙猥徒身名浪浪無遺跡

寄題廣漢張魏公讀書岩

廣漢之山甲西蜀聞有石岩在山麓想當英傑未遇
時携書獨向岩間讀岩間日月閑且長遠從虞夏窺
黃唐幽探造化鬼神變明察典禮人道常古書遍讀
飽經濟一朝適與風雲際社稷頻將赤手扶砥柱不
逐洪波逝金輪腥濁乾與坤冥冥九宇皆妖氛要除
豺獠正人極誓驅貔虎清中原其如讒口增萋斐一
斥南荒垂二紀容光雖荷天開明孤忠竟與時已矣
俯仰于今幾萬秋名將江漢無停流思公招公公不
起遙想寒岩添我愁

西蜀歌

天險不可升地險猶可登西蜀之山盤亘華夷幾萬
里層巒疊嶂危峰峭壁何峻嶒西嶺峩峩太古雲巫
山蒼蒼曉雲白北有劍閣中天削出石門高南有巖
眉凌空夤緣鳥道窄群山合沓險遠不可窮危梯側
逕無不相連通楸楠松栢古木不知數攢巒架壑陰
森蔚鬱起烟霧野花澗草亂雜難具名紛葩蒙茸齊
霑天雨露熊羆虎豹猿狖相與爲群曹幽禽怪鳥雄
飛雌遠各以時鳴號蜀山草木鳥獸之環竒也如此

登高一望但見千里百里峰巒湧翠如海濤中有長
江橫界井絡域發源岷麓東注滄溟無底谷深山幽
壑溪澗千萬支穿林絡石竟與岷江共聯屬蜀水行
地山人雲東連吳會西崑崙梁州舊是禹跡九州地
誰言自古隔絕不與通中原憶我總角年曾來到西
川惟時記一不識百白頭迴想空茫然前年丹詔
下田里布衣走馬見天子擢官便作大理丞持節
重到三川裏三川山水得縱觀咲晚重險輕狂瀾不
爲三峽猿鳴墮清淚不爲五夜鷓啼慘旅顏老讀古
書破萬卷物理深深頗窺見大莫大於天無際眼中

山水足驚羨慨此悠悠險隘區一分一合千古餘奸
雄割據奴輩尔干戈盜弄鼠子如獨想南陽老諸葛
三顧茅廬魚水合復漢功留二表中出師星向五丈
落至今廟食錦水頭討賊忠義垂千秋下視紛紛草
竊盜名字泯沒何異狐鼠漸腐埋山丘只今

天開明運四海爲家日岷江安流道途夷坦險阻失
我作歌詞紀載混一全盛時期與江山永永傳無極

題劉都憲山水圖

誰寫新圖妙難比疊嶂連峰向天起逼人已覺爽氣
清入眼渾疑暮光紫綠山網路分高低雲林遠近何

參差晴崖杲杲風日白陰壑慘慘雷雨迷沙水微茫
繞山脚半空飛瀑銀河落山光水色交清輝世外塵
氛盡消豁憶我壯遊天地中名山歷覽千萬重良工
巧奪真宰意雲氣恍與諸山通劉侯家在江南任正
在此圖好山處開門只見金芙蓉散倚青霄不知數
侯今官已都憲臺家山尚自縈高懷匡時未許賦歸
去觀圖且喜清風來

題鄭侍郎蓮鷺圖

高堂忽見華山頂十丈仙花開玉井新梢出水藕橫
船圓葉當空蓋欹影紛披花葉相交加綠雲片片連
紅霞疑是瑤池宴仙子酒酣肌理無纖瑕何處紛然
下群鷺佇立相呼復相顧六足聯拳方比翼一喙低
遲還獨步啣魚仰視空外來故知兩意無嫌猜參差
九鷺態度別紅蓮香裏同徘徊徘徊毛羽勝靄雪散
布蒼烟幾點白渾如野鶴出塵埃迴視凡禽迥殊絕
匪獨九鷺粲有光就中飲啄性亦常不比饑鷄得腐
鼠仰首却嚇孤鳳凰無限鷗鷺與鷺隼爪背銛利性
貪忍何如此鷺純且真不搏不擊意深穩誰哉巧奪
造化工花鳥幻出丹青中潔白真堪比君子還歌振
鷺鳴西籬

題角鷹圖

疑是楚公戴角鷹寫出神氣何稜稜
健如龍虎一心猛快若風火六翮輕曠野
秋高草蕭瑟百萬雄師大獮獵合圍已見
三面齊翻韜似覺千里空縱橫搏擊
鳥獸群風毛雨血何紛紛雲裏鷗鷗尚須
避草中狐兔寧復論罷獵歸來立高樹似聽
風颺欲飛去安得真骨殄鷗最長見鸞鳳在
雲路

畫梅歌爲朱大理題

天地有清氣鍾人亦鍾物阿誰寫出江
南春彷彿湖山見佳木老榦何槎牙柔條亦
森羅疎枝天矯相交加花神幻出連空葩長
風吹落天家雪萬蓋千枝曉爭白瑤臺仙子
舞衣飄姑射神人珮珠結冰玉之姿孰與論
生來不受半點塵野草閑花真瑣屑龔桃俗
李徒紛紜物意有如此人間真太奇庾嶺何
須訪消息孤山不用尋橫枝但願江山處處
結真味共與盪漦調六氣星騎箕尾若可追
編書垂譽過千世

山水圖歌爲蒲守徐孚題

誰寫雲山與烟水爽氣清風盈幅起想當
解衣盤礴時坐驅造化入筆底須臾削出金
芙蓉奔湍駭浪爭潮宗元氣直穿古石裂懸
流疑與銀河通青林遠近

文集卷之三
不知數林內山房啓晴戶時清似有招隱歌地偏不
見採芝處我昔持節天下遊東窮海岱西梁州忽見
斯圖憶所歷江山清思何悠悠河東之守好奇者特
送圖來索題寫自知老大筆力微掛一漏萬語非假
強裁長句卷還時坐中尚覺留清臚仁知高懷在山
水賢守玩此應得之

送鄭侍郎歸省

吾聞侍郎之父御史祖閱世如今八十五飄蕭鶴髮
未龍鍾嶮岩俊骨自奇古侍郎早歲簪筆趨螭頭
五朝出入遷權寵溼稠往年龍勅推恩出天府前年

鸞誥封秩來廬州老親榮貴重重真罕比銀章金帶
照耀鄉閭裏侍郎官署着南京思親只隔長江水今
春乃上陳情歸省章報可丹誥飛下五雲鄉試問此
時拜恩感思意東流之水與之誰短長便理南歸舊
囊橐沙頭潮退盡舫閣京華相送盡公卿冠蓋追隨
出郊郭是時正值春光明媚春氣和柳條弄色流鶯
歌江草萋迷含烟競駐紫驪馬江花凌亂隨風飛拂
金叵羅酒盡潮來掛征席想到家鄉幾日升堂拜
舞多弟昆堂前羅列兒與孫歌曲庭闈沸絲竹賓朋
門巷如雲屯大啓華筵斟壽酒懽聲喜氣傾前後齊

言靈椿不老南山高共願親齡與之同悠久

送安城戴勿諒歸江西

戴生大司成之姪壻經授春秋究凡例春王正月大
統明西狩獲麟筆削既二百四十二年指掌中屬辭
比事須融通謹嚴獨得昌黎老大義特造伊川翁經
世之書真大典魚魯何如尚訛舛胸中要自有權衡
筆下何須苦裁剪裁生業此凡幾年一朝歸興何翩
然連環屢夢老親面蘭橈使理西江船江頭載酒紛
紛來送別半是青雲之器橋門客離情草草何足云
英論滔滔殊未竭時維九月天宇涼洞庭木落南鴈
翔丹楓耀日染霜葉白雲映水搖秋光祖筵酒盡掛
征席千里鄉闈祗幾日升堂拜舞稱壽觴倍覺雙親
喜盈溢雙親之喜將何如有子一別三年餘但得經
書載子腹絕勝甘旨左右趨戴生起拜奉親志讀書
須學聖賢事古來聲利等浮雲直自麟經邈洙泗

春江送別爲陳侍御兄賦

有客有客官內臺難兄千里擎舟來典衣沽酒共歡
咲狂歌放飲懷抱開燈前幾時同聚首又復怱怱各
分手借問歸期何太忙荅云慈母相思久交遊出祖
春江邊春江楊柳含青矧維舟蕩漾碧波裏傾觴漱

灑飛花前玉瓶酒盡征帆發咫尺風濤分楚越沙上
鷓鴣相背飛雲間鴻鴈分行別莫云去住難爲言誰
似君家賢弟昆難弟致身位方達難兄歸養名何尊
想到淮南春未老慈親手弄連環好稱觴正值佳節
和戲綵偏宜晴日皎切切丁丁母子情爲言官况清
如水會有鸞章下霄漢褒封永作家門榮

送虞憲使考滿之京

山東憲使何昂藏鐵心石貌眉髮蒼蒼出入四朝荷
天寵操持一節飛秋霜海岱茫茫幾千里十年監郡
平如水只今報政趨神京僚庶追攀情不已薰風楊
柳城西亭綺筵別酒傾銀瓶一舉十觴勸公飲氣酣
感我千古情千古之情向公道要使蒼生樂熙皞內
臺黃閣正需賢此去嚴程到須早

醉吟樓歌爲劉僉憲父賦

醉吟之樓高且雄誰其作之醉吟翁翁心豁落真宰
同作樓直欲凌蒼空危梯縹緲疊撐拄層軒洞達相
開通白雲片片宿梁棟青山隱隱當簾櫳長夏絕超
爽靈風洒清響秋蟾散影幾萬里曉雪懸光一千丈
四時風景佳翁來日登賞賞心苦未足呼酒滌塵想
一觴一咏自風流興酣萬物良悠悠傲睨五岳衆山

文集卷之三
十三
小吞吐七澤三江秋有時醉倚闌干望八極便欲排
風御氣仍丹丘却思李杜文章伯只今已作神遊客
舉杯且復一招之招之共飲樓頭月光入口清心
魂唾珠洒作澄江雪澄江雪何茫茫瑤翻玉湧蛟龍
翔是時翁與二子相頡頏搜括百怪神鬼藏陶鎔萬
象造化忙乃知醉吟樓不讓采石江邊亭浣花溪上
莊

遇知行簡陳廣文

豈不聞北海鵬扶搖一夕起搏擊九萬程又不見渥
洼駒朝飲東海水暮宿崑崙墟古來磊落奇男子變
化騰驤亦如此莫風激烈干雲霄偉績軒轟冠青史
我昔年少天下遊大河南北西梁州望遠將登岱岳
頂觀瀾欲泛溟渤流爾來戰藝梁園日秋月離離桂
花實更隨春水到龍門一躍風濤生霹靂中間歛翼
就閑若我冠且復歌唐虞半載悠悠客京索千錢儻
得城南廬城南之廬絕蕭洒開門直見南山下南山
朝青暮亦青人情誰似山光者陳夫子儒之豪早年
獨步亨衢高雄文應不讓班馬清詞真可追風騷籍
籍才名三十載到處菁莪秀而藹春生杖屨樂薰陶
霜吼金鍾共傾駭衆人視我同衆人先生視我情何

文集卷之三
十四
真乃悟知音古來少伯牙獨與鍾期親先生贖注樽
中綠我爲先生歌一曲老天生才既有需豈向塵埃
長祿祿一歌旣竟還復歌歌長比意將如何殘冬便
須終日酩酊醉春來喜見萬里風雲多

題王司訓汝陽親舍圖

先生累葉居鄒魯禮樂詩書紹先祖夫子遺風飽已
聞杏壇遺跡頻經觀一自賓興上玉京便拜除書
綰絲組官在中州千里餘回首鄉關路脩竹爲因其
旨缺晨昏故遣良工寫鄉土淡靄初分嶺上村輕烟
乍點天邊樹洙泗微茫洞不流龜蒙岌業黯將雨憑

軒忽若無丹青汶水之陽見庭宇花間一鳥窺簾櫳
竹裏兒童隨杖屨靜聽如聞琴瑟嘯細看似覺班斲
舞先生乃是純孝人思親對此融心神錦衣有日遂
榮養壽觴更祝如大椿吾聞昔日唐忠臣大行跋馬
高嶙峋白雲孤飛繞親舍望之不覺涕零巾至今香
名滿人耳先生豈不追芳塵願將此圖莫輕擲子孫
永作傳家珍

留別王大尹

憶昔年少登公堂公堂開宴羅笙簧紅燭傳觴鸚鵡
煖錦箋落筆蛟龍翔賢侯愛客情無已留連夜宿重

文集卷之三
十五
簾裏香消古鼎語未闌月滿雕梁眠未起中間契闊
十年餘千里關山恨索居何意今朝復相見烹羊醢
酒爲懽娛愧我馬蹄隨計吏朔風又捲河梁袂握手
難忘父母邦銘心佩感賢侯義賢侯之義孰與儔冰
壺玉鑑涵清秋報政行將覲 明主春花相約鳳池
頭

題醉仙圖

畫圖忽見瑤池仙排風馭氣今幾年弱水蓬壺恣往
還滄海見說成桑田流霞之酒如長川偶來醉倒東
風前長松落落芝茸綿群仙倚側坐與眠壺旣爲之
傾瓢亦爲之顛沉冥不管山花妍拂袖涼颺神凜然
共騎黃鶴凌蒼天

贈同年

吾聞洞庭之水幾千里巨浸茫茫接南紀蛟龍夜舞
風濤寒鷗鳥晴浮鏡光紫岳陽之樓高且雄玄冥比
牖南祝融媧皇悞落補天石君山一點玻璃中咄此
湖山兩奇絕孕秀儲精此其穴應有賢俊生平聞豈
獨崧高產英傑我昔年少天下遊只今三十來神州
同時射策摠豪邁翩如彩鳳翔高丘有客昂藏好眉宇
家住巴陵幾今古已應秀氣鍾湖山更覺詞華紹先

文身卷之三
祖偶騎鯨背遊赤霄赤霄仙子爭相招想當沉醉碧
桃下一花吹落春江潮自爾棲神玄圃側煉氣餐霞
學貽息一朝九轉就還丹羽化千人萬人識清水芙
蓉吐異葩蘭茗翡翠相交加珊瑚色明海底樹雲錦
光吐空中花紫府之名照丹籙鈞天細聽蕭韶曲欣
逢明聖登俊良喜遇昇平調玉燭馬蹄共踏金臺春
與君義氣殊相親志節功名須努力賡歌願作虞廷
臣

金臺春意圖爲夏進士賦

西山千仞挿天碧東海排空浪頭白山雄海吐擁神
京中有金臺臨紫陌臺高迢遞絕塵埃九天星斗羅
三台臺前一夜東風起吹得皇都花柳開花枝杲杲
明朝旭柳色依依裊輕絲九衢車馬晴晴輝萬井笙
歌連曙燭有客磊落豐城人寶劍出匣光芒新兩度
青雲不得意今年一舉超常倫金臺駘蕩春光好對
策彤庭漏聲曉寶殿臚傳瑞氣多天門榜放祥雲繞
錫宴南宮春晝遲錦袍不管杯淋漓醉向和風滿歸
路紫騮蹀躞爭驕嘶綺樓翠牖出雲幕粉黛朱顏擁
芍藥傾城人看綠衣卽意氣昂昂動寥廓幸逢明聖
坐垂旒聯翩彩鳳鳴高丘成名祗向鴈塔寫放歌不

文集卷之三
十七
作平康遊金臺春色看未已又沐

天恩還故里盡將此意入丹青期此乾坤傳不毀

送劉侍御

清驄曉嘶春日明銀鞍穩被珂玉鳴豸冠繡服何光
榮乃是烏臺柱史朝神京故鄉之山鬱崢嶸綠溪白
石蒲芽生交朋相送難爲情大挺鼙鼓吹匏笙四筵
列坐皆豪英高談直使臆膽驚醉來不覺金罍傾起
舞意氣殊縱橫我歌一曲送君行丈夫立志當軒轟
古來多少影華纓唯有忠義留芳名豈無鐵面寒亦
有攬轡清願君追阮二子炯炯之精誠仰酬盛世開

隆平

苦雨

涼風颯颯雨聲急出門跬步苦沾濕山城拂地雲霧
深河渚交流潢潦溢田夫野婦坐嘆息園中有棗不
可食况復離離禾黍垂及時不得收穫力一年百事
望秋成秋成奈此淫雨積誰哉爲我誅雲師宛見青
天行白日另亦欣欣女亦惟有衣有食安家居

郊遊

客居煩聒毒我腸偶騎款段登周行西行三里渡小
水北上百步臨高岡遠近人家翳喬木依稀郵舍圍

垂楊是時隴麥半乾稿南風起浪日色黃所遇林桑
已空兀誰家婦女猶提筐唯南有山接嵩少雲洞用
闔峰低昂清回爽氣徹心日便覺塵慮都消
窈窕歷溪谷野花野草供幽香殼蝸垤蟻客生
鱗飛鳥咸徜徉東折紫紆歷平坂縱觀天化窮
乃悟群生隱無極始知一氣包鴻荒此意悠悠真罕
識令人酷憶點也狂緩轡歸來日已夕滿懷風月天
茫茫

故鎮行

北山翠律界天碧山前古境烟霞集兩街老木風廳
廳幾道寒泉聲瀝瀝溝塍繚繞禾麥稠椒林果實破
道周人家門巷甚蕭洒村園水石殊清幽西邊梵宇
臨深谷俯視溪田藹新綠鍾閣風雲入壯懷佛殿金
銀炫塵目斷碑蒼蘚還摩挲細看歲月良已多趙宋
金元迭興構黃童白叟爭奔波誇雄競麗猶未已衰
歇幾何還又起大道由來甚坦夷何不歸斯而舍彼
親朋導我村北行龍祠戶牖塗丹青龍堂鬼物極雄
怪土祠洞府何幽冥還復崎嶇歷西澗褰衣競涉波
凌亂高柳秋秋栖暮禽平蕪渺渺語飛燕嗟哉此境
良亦稀遊覽未畢情依依念我昔年走天下每逢山

水娛清輝况茲故里好林壑有田可耕薪可斫待余
他日重歸來擬卜山居尋舊約

西塏行

偶來與客遊山前地幽便覺人境偏路入青林幾縈
曲濃陰不斷風冷然灑灑清泉來遠谷緝色寒聲瑩
心目石梁急瀉跳明珠草芊平流浸青綠北行更欲
尋泉源山門蓄霧勢吐吞兩峯秀出半空裏錦屏屹
立當中尊復憇山腰小琳館洞戶雲扃殊宛轉袖拂
塵埃讀古碑茶餘若乏青精飯歸來白日天未中回
頭尚愛千雲峰更待秋初稍涼冷還登絕頂窺瀉濛

峽石山行

古道黃泥沒車轂峻坂迢迢客行苦別尋細路出山
椒俯瞰群峰如累土山椒怪石何巉若小大纍纍兒
逐母忽驚耳畔過狂飈老木如人自掀舞陰陰空谷
啼饑猿慘慘深林嘯猛虎時時一顧破羈顏秋葉秋
花解媚嫵霜林色重紅欲然露菊香寒寂無語日暮
嶠陵風雨來千里萬谷堆雲羈回視人寰不知處恍
疑馭氣遊蓬萊

新安行贈王廣文

西通嶠沔東洛陽澗流曲折波浪浪連峰壘巘互低

昂溪橋野店遙相望函關開豁地一方新安老樹浮
高隍山迴川合鬱蒼蒼儲精孕秀不可當錢君若水
慎行藏急流勇退何徜徉韓侯擒虎智力強高勳亦
可銘太常其餘豪傑皆軒藏弱毫未易俱談揚玉喬
古洞南山陽世傳鐵斧殊荒唐洪鑪烈燄徒煌煌百
煉不改纖毫鋼古來雷斧墜穹皇陰陽搏結成鋒鏘
鐵斧無乃類此行胡爲末俗相驚惶我行愛此山水
鄉往來屢宿芹蘋堂芹蘋廣文情慨慷時能取樂行
華觴諸生羅列芝蘭香爭持斗酒澆我腸醉來意氣
何揚揚爲之放筆掃糝糠掇拾故迹百十忘頗勝燕
石爲琳琅欲行不行意徊徨明朝別思俱茫茫

寄溫縣江司訓

君住江南我江北關河千里萬里隔一朝振翮起翱
翔同逐春風遊紫陌是時英俊天下來南宮角藝何
壯哉豈意志司濫收采繆將寸木升崇臺君持木鐸
向溫邑曾聞士風解愁寂我亦拜 思歸讀書却抵
滎陽問家室滎陽溫邑隔大河相尋一葉曾經過嚴
親今歲官河內往來擾擾如奔波愛特達好心事一
聞相見一歡恣夏館清談移晷陰秋齋共宿發幽思
有時酌我金屈卮我還答以二鳥詩醉來意氣覺奔

放生平肝膽何崛奇近日分携隔風雨羈懷落落向誰語行將跨馬過君家寄聲爲釀新秋黍

送蕭都憲歸盤窩歌并序

盤窩者都憲蕭君所營別墅之地名也蕭君江西龍泉人其所居里曰南園去南園十餘里有山水林木峭列迴環蒼鬱其間人以其地僻遠而莫之顧蕭君自登進士爲僉憲時以省祭歸鄉里因遊其地登高而望入溪而步俯仰四顧知其勝絕可爲退休之所乃命童僕芟其草萊而佳樹列疏其壅滯而泉流清則山若增而高地若闢而廣水若積而深而凡雲光霞彩嘉花美木千狀萬態猷秀爭奇於前觀玩之久意若忘歸蕭君以古有盤谷以斯地較之未知其爲孰勝因名之曰盤窩乃結茅以避風雨遂記其事而日爲十景詩以詠之今年冬蕭君以病得賜告之恩將南歸尋所謂盤窩者朝之大夫咸爲詩歌以贈之余亦賦蕭都憲歸盤窩歌以送其行云

古楊州之域今大江之西名山名水相望其間罕與之齊龍泉乃在山水最佳處盤窩直與盤谷爭勝足以成幽棲吾友蕭君生其邑鍾秀精英抱高識神駿

早掣飛電蹤大鵬快展扶搖翼天上迢迢十二樓鳴
佩早與群仙遊東俯扶桑枝西瞰崑崙丘珊瑚文彩
滄瀛流吳鉞光射瀚海頭聲譽喧喧鬢未改賜歸倍
覺

天恩大蕭蕭行李出都城漠漠雲帆掛淮海長江西
上知幾程家山次第來相迎盤窩林嶺秀盤窩水石
清東潭西嶂迭隱見馬山龍洞相紆縈離口橫波秋
色冷朝帽之峯露高頂年林歸翼晚來稀遠浦漁舟
歌韻迴雲波春牧散無邊高野秋禾成萬井盤窩之
景何其多蕭君柰此盤窩何或時採其山或來釣其
波松根篔簹自可斲而煮松花崖蜜亦可調而和山
間茅屋極蕭洒嵐靄氤氳清水瀉靜時翫易窺見天
地心閑日彈琴并與親朋話盤窩之樂難具陳應知
道卷堪怡神但恐勿藥有喜鶴書飛來自天上東山
謝老未許獨樂忘生民

文清公薛先生文集卷之三

歸來未肯聽
塵夢學仙
此心開日
聞夢星
對母財

文清公薛先生文集卷之四

門人關西張鼎校正編輯

絕句

銅雀臺

銅雀臺高春日明
春風無限綺羅情
笙歌莫向西陵
奏松栢蕭蕭起暮聲

春日即事

一夜東風柳穗柔
曉來紅日在簾鉤
少年兩兩鳴鞭
過唯見香塵撲馬頭

舟中雜興東韓克和劉自牧王尚文宋廣文十

八首

公等文章班馬儔偶來聯步上瀛洲

天恩又許歸鄉里同泛南風五月舟

天上同霑雨露多扁舟又喜泛滄波冥冥烏背夕陽

暮千里月明聞棹歌

霄漢銀河接潞河諸公同此沐 恩波于今又遂歸

寧願漸近家山喜氣多

萬家城郭通州市十里帆檣潞水明清曉登臚望

京國鳳凰樓閣五雲邊

波光到底見星辰中夜行舟月色新正覺水村鷄已

唱雲帆清曉過天津

細草微茫潤渚沙烟林杳靄暗漁家舟行不辨東西

處但倚危檣看月華

舟行暑氣正溽沁岸上行人方鬱蒸安得長風來萬

里頻令煩濁片時醒

天高雲影層層出野曠河流曲曲長百丈牽風晴裹

袞櫓聲搖月夜茫茫

兩堤草色綠無際五月草蟲聲已清自是天機能動

物舟中聞此倍多情

堤上閑遊眼界寬青天不盡地漫漫此心便覺無拘

文集卷之四
二
礙誰信人間行路難

天開水面平鋪月風湧潮頭倒捲沙舟過前村迷遠
近一堤楊柳數聲鴉

夾堤楊柳綠依依傍水人家籬落稀小婦携籃賣蒲
笋得錢含笑入荆扉

水畔人家舟作屋飄飄身世長兒孫幾回睡足蘆花
月又引帆檣過別村

參透詩禪漸息機掀髯覓句句還遲櫂聲驚鷺鷥
夢遙見青天一鳥飛

纔罷沿流又溯流關河不盡興悠悠書生別有胸中

略閑看橫江萬斛舟

千年宇宙混輿圖萬里江河接舳艫澤國晚來飛鳥
盡海風吹月上天衢

蘆葉青青潮水平吳儂搖櫓唱歌聲歌聲櫓韻隨潮
去背立江風無限情

江北江南一水通往來舟楫自怱怱推篷獨坐渾無
語遙見青天日正中

酬陳廣文送菜

秋圃應知雨露多嘉蔬分送奈情何書生咬得其根
味絕勝金盤薦紫駝

早度古峽關

四圍山勢鬱崔嵬清曉關門傍水開一騎秋風揚策
度野花隨路送香來

由蓼子谷取捷路抵鞏黃河北徒有感

此路經過已十年重來河水變桑田西風不盡登臨
意又見寒鴉下夕烟

鞏洛道中

嵩高雲氣晚嵯峨清洛西風咽急波水色山光渾似
舊宋家陵墓夕陽多

王弼墓

四聖千年道久湮誰從羲畫見天真先生埋骨卽山
後猶有玄虛誤世人

宿白馬寺人家

白馬駝經事已空斷碑殘剝見遺蹤蕭蕭茅屋秋風
裏一夜雨聲鄉思濃

函谷關

羸秦烈焰掩全齊誰遣君侯更向西關上月明關下
路英雄千古怨晨鷄

登平陸城樓四首

獨倚危樓日向西洪河風起浪高低中條北去無多

文集卷之四
路回首鄉關路不迷

斷岸奔流萬里風
踈林黃葉九秋中
畫闌干外斜陽暮
併作離愁一段濃

客愁偏向九秋多
况復登樓望濁河
相去弘農纔咫尺
苦無一葦暫從過

中條秋色滿山城
一上危樓感慨生
天外黃流來滾滾
扁舟端擬駕長鯨

興讓里

岐陽日色正輝輝
纔被餘光便息機
却把爭田爲棄土
頓令江漢總思歸

山水小景四首

湖水茫茫浪拍天
春風湖上有人烟
小樓半在花林內
簾捲青山看釣船

石上長松落午陰
有人松下鼓瑤琴
南風過處渾無迹
祇見千山萬水深

老樹蒼崖滿目秋
水明沙淨晚烟收
如何萬里長江內
只見斯人泛一舟

兩崖雪罷樹無風
泛泛扁舟水月空
疑是山陰尋戴老
此時清興正無窮

七夕三首

文集卷之四
五
絕憐天上有佳期汾水西風獨夜時
望斷銀河仙路
遠鵲橋不見度星旗

身世浮雲無定迹
客中二十四回秋
故鄉此夕逢佳節
閑看星河徹夜流

三處三年逢七夕
鄢陵京索晉河汾
人生是處看行樂
領取清風對酒樽

留別諸友八首

留連冉冉已過夏
離別惻惻又值秋
酒盡玉壺歌舞散
月明千里照汾流

多情累月重留連
惆悵西風送別筵
咫尺江山暫分手
及歸應在早花前

綠樹秋風起
夕涼離筵歌舞斷
人腸欲知別後相思
切明月關山滿路霜

樓頭鍾盡曉風清
南陌殷勤送我行
十里汾流兩岸月
祇應總是別離情

汾水西風生
夕波離筵忍聽唱驪歌
男兒不洒相思淚
翠袖紅裙柰若何

離騫別鶴不須愁
暫向中州訪舊遊
待我明年三二月
看花同上禹門樓

扁舟清曉渡汾河
露草風蘆兩岸多
却望高城雲霧

盡好山一帶列青蛾

錦瑟銀箏酒半酣離情幾許舊曾諳却憐後夜相思處三晉山高月正南

秋日過洛陽

洛陽城西今又來颯颯秋風吹客懷禾黍荆榛蛩韻切昔人曾此起樓臺

中秋對月遣興

涼露滿天秋氣清月光先到客邊明舉杯對影深相屬只有姮娥不世情

元夕寄故鄉諸友八首

故鄉千里隔關河好景年年客裏過又見元宵春一度紅燈幾點月明多

鄉人新自故鄉來千里魚書手自開聞道家山風景好玉笙吹月共徘徊

寂寂閑門掩月華春樹兒女任譚諱窓前坐久銀燈燼首首詩成只憶家

莫道他鄉勝故鄉思歸一日九迴腸元宵忽共鄉人語爲寫新詩寄上庠

思鄉無日不關情況復春燈對月明欲作家書附回使歸心先過洛陽城

舊說歸期已失期更逢佳節倍相思交親若問今何
似客裏春來困酒卮

中州何事重留連憶別諸公已半年遲我河汾看春
色百花深處酒如泉

回首鄉關入夢頻馬蹄踏盡幾年春客中膽氣爭喋
甚肯把明珠謾贈人

題母處士畫梅竹二首

疑是孤山處士家暗香浮動月初斜千紅萬紫雖無
數獨領春魁是此花

湘江兩岸鶻鳩啼翠袖天寒日又西可是無人借幽

獨紛紛桃李下成蹊

行黃河岸上

蒼葦千仞俯黃流滾滾波聲大地浮惆悵靈槎無復
見壯懷祇擬付神遊

看楊花戲作

紛紛拂拂雪花香旋逐回風過粉牆坐困綠陰看未
足無端春思正悠揚

題蒲守劉公梅竹二首

誰傾金醴醉仙娥綽約朱顏總已酡莫向風前吹玉
笛恐驚春夢入江波

此君老矣勢猶豪
新長孫枝節漸高
好似一門賢父
子清風相倚
迥難招

韋廣文送醢

鼎鼎何堪欠此生
銀瓶携送滿寒清
從今肝爛添詩
思肯使酸齋擅大名

過賈魯宅

長平驛是相君家
不見當時富貴花
只有蒼蒼喬木
在至今猶宿夕陽鴉

長平

行過長平慘奮名
路人猶指昔年坑
不知當日將軍
死地下曾無見趙兵

滎陽道中九首

老親官定軍懷後
遊子南來京索時
舟渡濁河高處
望太行秋碧繞天涯

前途十里卽溫城
暫向村林避鬱蒸
野老多情能款
客呼兒旋撇甕頭清

一年幾度過黃河
霽景清風此日多
臨流滾滾興無
盡直欲遙吞萬里波

河水南邊廣武山
山頭簇簇故城閑
徘徊不盡千年
事秋草秋花駐馬看

獨尋危坂出高岡蔓草荆榛古道荒谷口人家似仙
館幾間茅屋蔭垂楊
一上河濱眼界寬秋風禾黍動秋山教舍甬道不知
處唯見孤雲自往還
連村綠樹亂蟬秋禾黍離離正滿疇爲愛中州好風
景揮鞭不厭往來遊
天高地濶鳥雲飛天際涼颼動客衣萬物生成看未
足滿懷清思正微微
馬上看書意若何悠悠隨處任經過舉頭忽見南山
近爽氣清輝倍覺多

次劉僉憲見寄韻四首

憶對清陰轉午遲杯行到手欲無辭高山流水今何
處鴻鴈南來有寄詩

開緘忽見右軍書麗句清詞愜所需何限相思動秋
意蟬聲况是晚凉初

幾年持節道途闊驪馬遥遥意氣閑况有青山隨處
好料來詩思未應闕

憲府新成小屋居屋中唯貯舊琴書希聲古道應何
似一榻清風樂自如

通鑑

文集卷之四
千二年來治亂機只從理欲辨安危若將此鑑為心
鑑三五如何不並歸

禹門

連山忽斷禹門開中有黃流萬里來更欲登臨窮勝
觀却愁咫尺會風雷

渡口

兩崖陡起束狂瀾南去沙平勢渺漫長有扁舟依渡
口行人莫道往來難

棧道

石岩危柱迭相承閣道縈迴接杳冥天上黃流來滾

滾長風五月灑衣清

明德宮

碧瓦朱楹白晝閑金衣寶扇曉風寒摩雲觀閣高如
許長對河流出斷山

宮前老栢

蒼蒼老幹鑄青銅縷縷香毛引細風自是栽培年歲
久托根長近禹王宮

看鶴樓

石磴盤雲到上頭高風五月已驚秋眼空四海無纖
物唯見黃河天際流

文集卷之四
十一
一柱巍峩勢獨尊，鐵崖三面下無根。偶登絕頂思前事，滿目河山孰與論。

水閣

水閣憑空結構牢，蒼崖直下俯洪濤。輓轡牽綬應千尺，遂似垂綸釣巨鰲。飛樓縹緲架黃流，滾滾波聲世界浮。遍倚闌干憶前事，功成四載幾經秋。

后土祠

一木爲橋渡漸溪，山風水氣冷凄凄。千年古廟蒼崖下，萬里河流正在西。

石龕

古屋縱橫半畝餘，只疑神鬼護陰虛。蒼崖直上通元氣，點點寒泉滴露珠。

靖應姜真人菴

靖應真人隱者流，聲名往日動宸旒。功成不在飛升去，禹廟連雲檜栢秋。

題四景

雲滿青山水滿溪，綠楊紅杏繞幽栖。抱琴童子隨師去，歸到橋心日未西。

水心亭子四山青，亭下荷花照眼明。我欲喚船楊柳

岸隔溪終日不聞聲

四山木落晚江空江上茅齋爽氣中
立盡秋風何處客磯頭日日看飛鴻

恠來寒氣襲襟裾忽向高堂見畫圖
樹老山空江似練扁舟不受旅人呼

題季札掛劍圖

心許君侯口未言歸從陵樹掛龍泉
生平負諾知何限始信當時公子賢

題負薪圖

自古詩人詠伐檀山中不道負薪難
到家遠近何須問

問行過溪橋路已寬

四皓圖

雪鬢蒼髯識者稀功成猶自昧先機
寧知後日紛紛處却道劉侯計已非

睡熟

睡熟不知風大作到曉猶聞波浪聲
起坐覓紙欲題句却憶遠人無限情

紀先人舊遊三首

壇樹濃陰覆四牆春深好鳥轉笙簧
慈親此日不同聽樂意翻成淚兩行

文集卷之四
西壑南岡景物幽先人曾此數追游重來不似當時
興綠草紅芳總是愁

先人竄愛佳山水每對清流翫翠微俯仰忽成今與
昨看山看水淚沾衣

檢舊書得先人手迹

素帙窓前自卷舒忽看先父數行書分明筆迹如平
日一字傷心一淚珠

題錢舜舉山水小景

琪樹秋風生早寒樓臺縹緲暮雲間橋頭有客長無
事閑聽溪聲靜看山

觀太極圖

歛襟坐久此心虛靜看濂溪太極圖理在象中元不
離莫於象外用工夫
一理陰陽及五行乾坤萬物各生成莫言真宰元無
迹久向圖中露此情

春興三首

客居城市厭喧囂舉目雲林變綠條好景一年都已
過何曾散步到西郊
懷抱何由一灑然勞生擾擾故相牽城南山色青如
許不到雲林又幾年

文集卷之四
十四
又是春風換物華，靜觀芳意浩無涯。寄語鶯花休悵望，新詩已懶向人誇。

新鄭學宮夜宿

清颺槭槭響林柯，夜宿秋堂冷簟波。睡醒不禁鄉思切，滿庭明月候蟲多。

劉廣文携酒餞行

先人館下老門生，三十年來故舊情。今日相逢頭已白，殷勤載酒問歸程。

過盧溝河有作

烏府新承帝澤覃，又持憲節按湖南。盧溝橋上瞻

都邑金闕連雲倚翠嵐

出漢口五首

扁舟泛泛野湖平，岸轉奔流近漢城。滿目江山如畫裏，留題多少舊才名。

萬里長江滾滾來，楚山疑碧樹如苔。扁舟橫渡浪花急，一席好風何快哉。

漢江南合楚江流，新漲兼天雪浪浮。黃鶴不來仙已去，舟人猶指舊時樓。

萬里滄江水自東，武昌烟樹晚朦朧。獨持憲節匆匆過，興憶南樓夜月中。

文集卷之四
五
人家樓閣枕江烟江上危橋泊萬船欲問當年無故
老青山依舊水連天

出漢口至大江追憶往事有感而作

武昌城對漢陽城城下長江漫漫平二十年前曾過
此烟波一望不勝情

覽嘉魚圖經

閑覽嘉魚縣地圖半爲山谷半爲湖生民計業知應
薄祇賴昇平雨露餘

公安詠古

古砌長衢滿綠苔疎籬多傍水邊栽欲知何處懷平

仲老竹荒祠風雨來

蜀江水漲如黃河江北諸山彷彿太行遣興而

作

蜀江濁比大河黃江北諸山似太行誤喜中原應不
遠却聞人語是湖襄

澧州

秋日秋風澧有蘭碧峯如畫水如環荆南自古多騷
思長在閑花野草間

常德

百里平川古朗州沅江滾滾向東流竹枝留得唐人

句一曲西風碧樹秋

武陵

萬水千山舊武陵
伏波曾此向南征
只今無復壺頭險
夷獠謳歌樂太平

次同年趙侍御阻雨韻五首

秋夜蕭蕭雨未休
碧窓欹枕憶神州
霜風會見清南徼
未必輶車久滯留

天使乘驄此暫休
今朝我亦到南州
栢臺孤枕銀燈夜
還似當年阻雨留

瑤樹西風透客懷
早秋涼雨壓塵埃
行臺壁上留佳

句知是同年攬轡來

壁上留題見好懷
旋將征袖拂塵埃
浪遊不得逢知己
阻雨今朝獨後來

境入桃源喜滿懷
分司荷裏絕塵埃
繡衣壁上題詩日
正是隨車好雨來

桃源曉行

隔江烟樹曉模糊
縱有丹青畫不如
且喜桃源風景好
山行不厭路崎嶇

宿界亭驛

山月娟娟滿戶庭
秋蟲唧唧四邊鳴
一杯強飲不成

文集卷之四
樂坐聽山童打二更

辰溪次趙子裕韻

盡日山行不厭遲，有興隨處愛秋溪。
路回忽見江頭縣，風景清幽興不迷。

辰陽已覺鴈書遲，滿目雲山接五溪。
秋夜一杯江縣酒，醒來鄉思不曾迷。

益陽山行遇雨

雲林漠漠雨淒淒，節節危橋曲曲溪。
可是青驄行處穩，滿山紅葉襯秋泥。

雪中度風門嶺

肩輿千仞歷崢嶸，朔雪寒雲杳靄中。
遠近東西渾不辨，只疑猶未闢鴻濛。

靖州道中溪水清駛可愛

石淙急瀉響奔雷，濺沫跳珠雪湧堆。
正苦荒山勞降陟，且隨流水共縈迴。

池邊笋生

綠錦池塘春已深，池邊青笋欲成林。
貪看物理添新趣，不管滔滔歲月侵。

遣興

永日霜臺與衆疎，相親惟有聖賢書。
綠雲滿院蒼苔碧

文集卷之四
合自喜能兼吏隱居

黔陽春日雜詠六首

滿庭落葉似深秋好鳥鳴時地轉幽坐對青山總咫尺會登絕頂望中州

風起楊花滿院飛翠屏門外送清輝壘中好景非吾土春燕來時客未歸

兩年三度客黔濱前是秋冬後是春新綠滿庭清書永好風時復送香塵

弱柳新梅蔭戶庭好山門外列青屏間關幽鳥鳴春晝宛似家山把酒聽

睡起霜臺似水清晚春風日弄新晴笑看螭子頻頻集却憶人家望客情

駐節黔中改歲華四山重疊繞天涯空庭獨坐聽鳴鳥拂面春風吹柳花

黔陽山中十首

景好寧知是異邦竹籬茅舍枕滄江吏情更有山林趣綠樹門前畫戟雙

星韜玉節萬山深到處溪流足茂林雨過瘴烟清似洗蠻荒不減壯遊心

盡日江行路不迷溝塍水滿稻秧齊參天綠樹茅茨

小何處人家叫午鷄

山青雲白楚天涯
駐節山中白晝遲
縱是無邊清興
好知音誰與和新詩

江村地僻草萋萋
小閣閑登日欲西
風景不殊雲木
秀只嫌中有鷓鴣啼

清和時節似中州
江遠茅堂盡日幽
官况不羈情散
誕坐看雲影自悠悠

宦情不改讀書情
閑愛山林興致清
隨意時時寫佳
句却嫌行處有虛名

竹椽茅屋江邊靜
永日惟應鷓鴣飛
雲白天青山萬
疊霜甚遠客正思歸

花木時光總不窮
青山疊疊水重重
欲尋真宰元無
迹祇見蒼蒼一氣功

草閣南風分外涼
看山面水據胡床
宦情蕭散知何
益身在江湖憶帝鄉

四月望夜院中作

月照芭蕉葉上明
小闌干外竹林清
一襟風露涼如
洗似有新秋在戶庭

對雨遣興簡陳侍御七首

秋雨通宵盡日鳴
栢臺雙沼漲皆平
綠荷裊裊歆香

文集卷之四
十
柄細看明珠瀉未停

曲闌干外芰荷香秋雨來時水滿塘喜與同年驄馬
客水心亭上共持觴

南荒久與故人疎邂逅同年一月居共指小塘荷葉
底水添秋雨欲生魚

同年持斧到南荒咲指關山滿路霜一月沅州城裏
佳聽風聽雨喜連床

君恰來時我欲歸沅江秋雨正霏霏鸚鵡班若問新消
息爲說清霜滿繡衣

綠萍如錦蓋青池池面高荷靜不移閑爰小亭聽雨
坐恰如湘水繫舟時

同年喜有繡衣人沅水相逢意氣親我去君留莫惆
悵邊岷快靚曉霜新

襄陽雪中雜詠六首

扁舟南渡漢江來阻雪連朝住憲臺莫道鐵冠官况
冷瓊瑤庭下已成堆

烏臺南面郡城外諸山雪亂飄勝蹟欲追羊叔
子會從峴首踏瓊瑤

空階密雪下無聲葉落層層蓋已平盡日戟門清似
水端居誰與論詩情

文集卷之四
十一
堂臺高敞四虛寒
窗外蕭蕭竹萬竿
一夜霜風鳴到曉
散爲清響滿人間

襄陽城外雪紛如
散入江流片片虛
乍有却無迷望眼
只疑神女弄明珠

少年曾讀浩然詩
裏漢風流百世師
今日雪中清興好
論文翻恨不同時

芭蕉

夫君本自一心空
舒卷如何葉來窮
自是根株通造化
故教有象顯無蹤

靖州月夜雜詠五首

一節三年久在邊
天威咫尺玉堦前
靖州城裏清宵月
應與家山一樣圓

參差林影愛風斜
堅坐胡床愛月華
涼露在庭清似水
不知今夕是天涯

城外清江城上樓
滿城明月似深秋
忽思昌子雖癡小
也念阿爺尚遠遊

未有涓埃荅九天
謾叨官廩過年年
靜思仕學多違性
搔首能無愧往賢

三百年來新郡邑
七千里外古蠻荒
無私好是中天月
布滿華夷一樣光

夏夜聞鍾

翠帷藤簾竹方床孤枕慵便五夜涼夢裏不知身作
客忽疑鍾響是家鄉

廬溪冬夜五首

幾度官船過武溪匆匆都未有留題今來駐節當寒
夜絳燭紅爐興不迷

曲曲清江節節山霜臺分外朔風寒寸心祇與梅爭
白頗覺蒼顏稱鐵冠

江縣蕭條歲欲除溪山寥落野人居九重時復有
寬令使者徵求忍蠹漁

夜深風雪響侵門繡被熏來睡正溫忽念中林有樵
者獨慙餘煖未能分

久客霜風入緼袍壯心猶倚劍吹毛武溪溪上烏臺
夜猛虎一聲山月高

重題五友

竹

長日無風亦自清踈篁况復滿秋聲幾回睡醒窓前
月疑是瑤階佩玉鳴

蘭

幾載栽培雨露深好風披拂正關心瑤琴一曲憑誰

寫唯有宣尼解此音

蓮

朝來微雨濕胭脂並倚新粧照綠池莫使香塵澆顏
色深情還有正人知

梅

花正開時節已過祇留清影弄簷阿滿湘千里客歸
去想憶花時思更多

菊

未到高秋有別情新叢簇簇傍階生歸心不待花重
發留與新知作眼明

董公二首

席捲三秦赤幟東方陳大義討元兇董公籌略應無
敵蕭相虛當第一功
紛紛豪傑欲興劉縞素應爲第一籌何事元功盟帶
礪丹書不到董公侯

又題五友

竹

三年烏府長琅玕粉籜新梢次第看今日成林足風
雨坐聽清響徹雲端

梅

紅白雙梅戶外橫，看花看葉與俱清。今秋只恐歸期近，重疊題詩寄別情。

蓮

鏡裏芙蓉一色開，高荷倚醉好風來。采芳誰識心如洗，持贈聊同驛使梅。

蘭

幾歲南州老鐵冠，霜臺底物可爲權。祇應九畹滋新種，時采幽香滿把看。

菊

簇簇新叢傍憲臺，臺端有客日徘徊。歸期若在花前發，留向新知次第開。

懷沅州五友

竹

勁節虚心獨耐看，霜臺三載伴清懽。今朝朔北造相憶，誰與蕭蕭共歲寒。

梅

正是花時遠別離，綺牕應已發新枝。剡南臘月霜如雪，相對長吟有所思。

菊

幾簇芳根遍小臺，自呼童子看澆培。沅江回首深如

許縱有清香亦自衰

蘭

頻除惡草惜佳蕙笑采幽香歲歲同一自沅江騷佩
遠小闌誰倚看光風

蓮

方塘紅錦日熹微絕愛天葩照客衣幾賦新詩去雕
飾相思重覺賞心違

又懷五友

蓮

誰識當年周茂叔愛蓮別是一般心沅州憲府花如

錦回首蠻山萬疊深

菊

鐵冠不受晚風寒采得幽香靜處看幸自托根今得
所栽培應有露團團

蘭

九畹曾懷楚客騷不堪沅澧夫人遙多情只有當時
佩別後清香尚未消

梅

紅白沅州有二梅年年長是近春開飄廊點砌今誰
惜祇有東風掃石苔

竹

栢臺清絕愛踈莖
踏影攀枝繞砌行
衛水舟中風雪
夜夢圓疑是打牕聲

博浪沙

大眼由來視獨夫
懇懷忠義報寬渠
英謀已自輸曹
沫只恨當時中副車

院中楊柳

去日庭中始見栽
旣成林後客歸來
春風擺盡輕狂
絮留得清陰滿憲臺

文清公薛先生文集卷之四

